

## 台語《語法》

### 〈第1節〉「句型」語法

#### (一)「疑問」句：

- (1)「有...無？」句（有／無回答一項）：你有錢無？去高雄有足遠無？
- (2)「會...袂（＝會...無）」句（會／袂回答一項）：柑仔會甜袂（／無）？你會受氣袂（／無）？
- (3)「欲...毋（＝欲...無）」句（欲／毋回答一項）：你欲食毋（／無）？你欲去高雄毋（／無）？
- (4)「敢 kám...？」句：你敢有錢？你敢會受氣？你敢欲去高雄？按呢敢好？
- (5)「反問」句：(1)「乎 honnh...？」：你欲去拍球乎？代誌毋是你做的乎？(2)「敢＋否定詞...？」：你敢無錢？你敢袂受氣？你敢無欲去（／毋去）高雄？按呢敢毋好？代誌敢毋是你做的？
- (6)人：啥人？啥物人？／時：當時 tang-sî？啥物時陣？／地：佗位？啥物所在？／物：啥物／方法：按怎？欲按怎？
- (7)「有...無？」的「無」；「會...袂？」的「袂」；「欲...毋？」的「毋」攞「輕讀」
- (8)錯誤語法（受華語語法影響）：「嗎？」：（敢）是按呢嗎？／「吧？」：是你做的吧？毋是按呢吧？

#### (二)「否定」句：

- (1)「無」＋動詞.形容詞.名詞：表示「事實」。無講.無去／無好看.看無清楚／無錢.無良心。
- (2)「袂」＋動詞.形容詞：表示「判斷.事實」。袂講.袂去／袂好看.看袂清楚
- (3)「毋」＋動詞：表示「意願.事實」。毋講.毋去／毋知.毋捌
- (4)「莫 mài」＋動詞：表示「命令.要求」。莫講.莫去／莫客氣.莫假勢
- (5)「免／毋免」＋動詞.形容詞.名詞：表示「要求.意願.事實」。免講.免去／免好看.免客氣／免錢.免良心

#### (三)「時態」句：

- (1)「進行」句：「咧」：咧.佇 tī咧.拄 tú咧.當咧.猶閣咧／伊咧食飯。伊猶閣咧睏。
- (2)「完成」句：「矣--ah」：矣.矣啦.囉／食飽矣。伊睏去矣。死去矣啦。時代變囉。
- (3)「未來」句：「欲」：欲.咧欲.拄欲.強欲／欲食飯矣。伊拄欲去睏。伊強欲無氣矣。
- (4)「綜合」句：我昨昏就考煞矣。明仔載欲考試矣。

#### (四)「比並」句：

- (1)「平比」句：禮數佻智識平重要。伊袂輸土匪遐爾歹死。 翁仔某全款勢做人。
- (2)「差比」句：我並伊較懸＝我較懸伊／我懸伊半粒頭／我加伊一紀年＝伊減我一紀年／阮這班阿明仔上蓋懸

### (五)「共 kā」主動句：

- (1) 主詞第一、三人稱：我共伊講。阿爸共大兄趕出去。阿媽共阮鬥騙囡仔。
- (2) 主詞第二人稱會當省略：(你)共門關起來(你)共我聽予斟酌／共人掠來＝你去共人掠來＝人共我掠來＝你去共人掠來予我
- (3) 語意分別：伊共我添飯＝伊添飯予我／伊共我斟茶＝伊斟茶予我
- (4) 語意分別：伊共我借錢＝我共錢借(予)伊≠伊借錢予我≠我借錢予伊／伊共我買車＝我共車賣(予)伊≠伊買車予我≠我買車予伊
- (5) 語意分別：伊共我搶皮包仔≠我共皮包仔搶予伊≠我搶皮包仔予伊≠伊搶皮包仔予我
- (6)「共 kā」後壁加「伊」，「伊」會使免講免寫，「共 kā」免變調。共伊講＝共講／我共伊介紹男朋友＝我共介紹男朋友

### (六)「予 hōo」主動句：雙賓句

- (1) 伊斟 thîn 一甌茶予我。阿明提兩本冊予我。
- (2) 我予你二十箍＝我二十箍予你／阿媽予孫仔兩粒糖仔＝阿媽兩粒糖仔予孫仔

### (七)「予 hōo」被動句：

- (1) 衫洗予清氣。代誌發落予好勢。
- (2) 伊予人損甲流血流滴。飯食予了才出去耍 sng。
- (3)「予 hōo」後壁加「伊」，「伊」會使免講免寫，「予 hōo」免變調。：予伊死＝予死／予伊去＝予去／哪會使予伊烏白舞＝哪會使予烏白舞

### (八)「倒囡 khng」句：

- (1) 緊講啦你。莫走啦你。足害呢你。仙講都講袂聽你。較早睏咧較無蠟你。
- (2) 你做代先(你恁 tshuā 頭代先做)。拄著危險，伊攞旋 suan 代先。有好空的我袂搶代先。
- (3) 台北我毋捌去過(＝我毋捌去過台北)。火車毋我毋捌聽過。工課 khang-khuē 我昨昏就做好勢矣。

(九)「省略 liók」句：講話的人認為有的語句免講，對方嘛會當了解語意，這時陣遮的語句會當免講。(比論講兩人攞足清楚的話題／講話的人已經詳細描述了後)

- (1)「甲」(省略「程度」的描述)：我歡喜甲。(起來跳／喙笑目笑)周子瑜嬌甲。(若仙女／無地比)翁仔某予人嫌甲。(無一塊好／袂聽得)伊做甲。(若牛咧／會呼 khoo 雞袂歎 pūn 火)
- (2)「閣」(省略「矛盾」的描述)：我都無咧戇 gōng 閣。(共錢借你／用「閣」代表「共錢借你」無講出來)。我都無咧衰閣。(「像你按呢」)老師都足無閒矣閣。(「叫去指揮交通」)
- (3)「講」(省略「矛盾」的描述)：雞尾雕誠芳講。(你毋敢食／用「講」代表「你

毋敢食」無講出來）柑仔足甜的講。（「無人欲買」）

（4）「甲講」：後生稔甲講。（後生稔甲「若猴咧」，講「阿美仔猶會嫁伊」。）

（5）照正常的語法來講，「這款字」囡佇句尾做收煞並無適當，這款語法是用來「標記」「有話講無了」。

### （十）其他句型：

（1）「有／無」：1.+形容詞（強調）：柑仔有甜。這個無嬌。／2.+動詞（確認）：我有去開會。伊無去考試。／3.+動詞（強調）：拍鐵仔褲較有穿。瓊花嬌都嬌較無擋。（瓊花 *khîng-hue*：曇花）／4.+動補構詞（事實）：我有看著彼條路。阿姊無分著禮物。／5.動+「有／無」（結論）：伊佇公司蹓有三十冬矣。阿明做無代誌。

（2）「來去（合音 *laih*、*lái*）＝去」：咱來去台東迺迺好無？＝咱去台東迺迺好無？／行！咱來去食飯。＝行！咱去食飯。

（3）「來」：1.代替語境內底的動詞：莫食遐緊，沓沓仔來！（來＝食）／寬寬 *khuann* 仔來就好。2. 恰「會（有）／袂（無）」連用，表示「有法度做／無法度做」：做會來＝做有路來／講袂來＝講無路來

（4）人 *lāng*：1.表示「家己」：你莫閣問矣，人毋知啦。2.表示「別人」：人是千金小姐，咱恰人袂比得。3.人了解這款道理矣，咱人莫定定恰人比並。（三字「人」各表示「家己、全部、別人」）

（5）「咱 *lán*」：1.第一人稱複數（「咱」包括聽者，「阮」無包括聽者。）：咱明仔載欲領月給矣。2.對第三人稱孤一人的「尊稱」：（電話對話：）請問咱佗位欲揣？3.對第三人稱複數的尊稱：（餐廳服務生：）請問咱攞總有幾位，敢有訂桌？

（6）「正語反用」：無欲講伊，伊煞那來那「好款（＝歹款）」／我投資了 *liáu* 遐濟錢，攞愛感謝你共我「牽扶 *khioh*（＝牽成）」／若講著雜插，你真正是「第一名」。／阿兄你誠實有夠「有孝」，阿爸予你「有孝」甲去蹓療養院。

（7）「反語正用」：牽的「夭壽」嬌。／你穿這軀衫嬌甲欲「哭爸」去。

## 〈第 2 節〉「仔 á」語法

### （一）「後綴詞／小稱詞」

#### （一）「名詞＋仔」：

（1）「輩份」降一輩：姨仔.舅仔.小叔仔.小姑仔.新婦仔（童養媳）師仔（學徒）。

（2）「規模、程度」變細：店／店仔；廟／廟仔；十外歲／十外歲仔（袂超過 14 歲）

（3）「蔑稱」（族群）：外省仔.客人仔.番仔.日本仔.阿陸仔.外勞仔.越南仔（禁用）

（4）「罵稱」：猴死囡仔.雜種仔.術仔（小混混、沒種）佬 *láu* 仔（騙子）論仙仔.屁窒 *that* 仔（人小鬼大）

（5）「戲稱」：阿啄仔.娣 *tshit* 仔（女朋友）膨肚仔（丈夫）田僑仔

（6）「親切、活潑」：心肝仔.愛人仔.查某囡仔.紅嬰仔.讀一年仔.阿珠仔.美玉仔

(7)「名詞」後綴(詞尾)：殼 khok 仔(小容器) 弓 king 仔(彈簧) 蜎仔(蜎) 門籬仔／尿苴 tsū 仔(尿布) 同姘仔 tâng-sāi-á(姘) 剪絡仔 tsián-liú-á(扒手) 拍嘆 phòk 仔(鼓掌) 高麗菜穎 ínn 仔。

## (二)「動詞+仔」=名詞

(1) 捋 luàh 仔(梳子) 攪 tshiám 仔(叉子) 墜仔(墜飾) 拭 tshit 仔(板擦、橡皮擦) 開仔(開瓶器)

(2) 手扞 huānn 仔(腳踏車、機車把手) 水協 hiáp 仔(用手上下搖的抽水機) 相思仔(相思樹)

## (三)「形容詞+仔」=名詞

(1) 硬 ngē 仔(難應付的事) 現仔(現金、現成的) 戇 gōng 仔(傻子) 崎 kiā 仔(小山坡)

(2) 天壽仔.肉幼仔.半奸忠仔(雙面人、牆頭草) 半陰陽仔 puànn-iam-iūnn-á(雙性人、雌雄難辨者)

## (四)「副詞+仔」=副詞

(1) 一寡仔.一下仔.小可仔.淡薄仔.一觸 tak 久仔(一會兒)

(2) 較停仔.不止仔.上頭仔.頭挂仔.有時仔.遮爾仔 tsiah-nī-á(這麼)

## (五)「疊字詞+仔」=副詞

(1)「微微仔笑」「略略 liòh 仔(稍微)有去拚著」

(2)「聊聊 liáu(慢慢地)仔講」「勻勻 ûn 仔行」「干干仔(偏偏)欲」

## (二)「中綴詞」

(一)連接二个全屬性的詞，成做 tsiānn-tsò 另外一個倚意 uá-ì 詞：糖仔餅.衫仔褲.翁仔某.母仔囡.司公仔象梧(sai-kong-á-siūnn-pue 形影不離的好友)。

(二)連接二个無全屬性的詞，成做一個「偏正詞」：尪仔冊.瓷仔碗.簞仔店.閒仔話.姊妹仔伴.鳥鼠仔冤(極小的冤仇)小鬼仔殼(面具)

(三)連接「疊詞」，表示語氣「強調或轉折」：涼勢仔涼勢.肥軟仔肥軟.粗飽仔粗飽.對同仔對同 tuì-tâng(非常吻合)

(四)「罵稱、貶稱」：囡仔疍 phí(小毛頭)死囡仔脯.雜種仔囡.王祿仔仙

(五)「貶稱」：囡佇名姓的中央：邱仔罔舍.陳仔天送

(六)代表數目字的「百」(應該是「百」的音變)：囡佇百位數佻十位數的中央，而且個位數是整數：三仔五(350)六仔六(660)

(七)「尾綴／中綴」同義詞類：領頸仔=領仔頸／絲襪仔=絲仔襪／衫弓仔=衫仔弓／臭頭疍仔=臭頭仔疍／漉糊糜仔=漉糊仔糜(爛泥巴)

(八)其他參考詞例：乾仔孫(曾孫)鼓仔燈(燈籠)櫳仔內(監獄)尪仔頭(五官、



瞳孔、玩偶的頭)羊仔目(睡時眼睛無法全閉)菁仔欖(冒失鬼、檳榔樹、舊時稱「百元鈔」)了尾仔囡(敗家子)割稻仔尾(罵人不勞而獲)死豬仔價(固定售價)捲螺仔旋 tsāg (漩渦)死囡仔麗 the (仰泳)石磨仔心(處於兩難的「夾心餅乾」)

### (三) 仔「前字」連讀變調的規則：

- (1) 第 1.5.7.8 聲→第 7 聲：孫仔／蟬仔／會仔／鹿仔
- (2) 第 2.3.4 聲→第 1 聲：筍仔／甕仔／橐 lok 仔

### (四) 加「仔」辨義：(詞彙多元化)

(糖／糖仔)(姑／姑仔)(虎／虎仔：爪牙)(開會／開會仔)(心肝／心肝仔)  
(細漢／細漢仔：小跟班)(跤／跤仔：嘍囉)(頂日：前天／頂日仔：幾天前)  
(師傅／師傅仔：老千)(四跤／四跤仔：青蛙)(四片／四片仔：棺材)(歎雞胗：  
吹牛／歎雞胗仔：吹氣球)(家伙：財產／家伙仔：家庭、整家人)(茶店／茶店仔：  
色情茶室)

### (五)「仔」辨音辨義：

(尪仔／甕仔)(蠓仔／網仔)(尾仔／襪仔)(番仔／販仔)(椅仔／姨仔)(燕仔／  
圓仔)(蒜仔／璇仔)(孫仔／筍仔)(窗仔／桶仔)(套仔／桃仔)(輪仔／鍊仔)  
(鈴仔／奶仔)(磚仔／鑽仔)(橐仔／鹿仔)(鋸仔／舅仔)(螺仔／笠仔)(李仔／  
驢仔)(屨仔／拖仔)(鍊仔／輪仔)(刀仔／桌仔)(夾仔／硬仔)(拭仔／娣 tshit  
仔：女朋友)(樓仔／佬 láu 仔：騙子)(瓜仔／粿 kué 仔：叛條)(溪仔／篋 kheh  
仔：盒子)(簽仔／攞仔)(榕仔／筧 tshíng 仔：拂塵)(攄仔／鑪仔)【攄 lu 仔：頭  
髮推剪器／鑪 lù 仔：搓刷器】(擦仔／賊仔)【擦 tshat 仔：掛軸、掛像】(刺仔／蠟  
仔)【蠟 tshih 仔：梭子蟹】(疔仔／釘仔／亭仔)【疔 ting 仔：膿瘡】(溝仔／鉤仔／  
狗仔)(街仔／雞仔／架仔／格仔／鍬 keh 仔：鐮刀)

## 〈第 3 節〉「輕讀」語法

(一)「輕讀」簡介：符號「--」，調值 10，聲調恰第 3 誠倚。輕讀字的前一字攏讀本調。

- (1) 聲調變化來分別詞意：驚--死／驚死(死於驚嚇／怕死)過--去／過去(經過／  
從前、往事)後--日／後日(後天／以後)做--人／做人(女性許婚予人／待人處世)
- (2) 輕讀字詞的語義無讀本調的前一字遐重要：看--著／驚--著／王--家／許--厝
- (3) 輕讀的字詞已經失去本義：熱--人(夏天)／寒 kuân--人／王--哥柳--哥(泛  
指張三李四或不三不四的人)／淋 lim--兩杯。詞例內底的「人／哥／兩杯」攏無原  
字詞的本義。

(4)「動＋補語(修飾語)」類的輕讀，攏佇句尾較濟，後壁若有賓語(受詞)就袂使「輕讀」。句例：我有看--著；我有看著彼個人／共電腦拍--開；拍開電腦。

### (二)「輕讀」字詞類：

(一)「動詞」字類：例

(1)「來」：出--來／看--起--來／落落來 lak--lòh-lâi／後--來／「一--來、二--來」

(2)「去」：出--去／轉--去／無--去／走--出--去／蹺 liâu--落--去

(3)「過」：聽--過／去--過／關心--過／時行--過（曾經流行過）

(4)「著」：看--著／驚--著／想--著／閃--著／熱--著（中暑）

(5)「死」：驚--死／損--死／刳 thâi--死（殺死）／惱 lóo--死（氣死）／卯--死--  
矣 bâu--sí--ah（得到意外的好處）

(6)「倒」：跋 puàh--倒（跌倒）／偃 ián--倒（推倒）／掉 tshia --倒（打翻）／  
趨 tshu--倒（滑倒）。〔註〕：這欸構詞會使輕讀，嘛會當莫輕讀。

(7)「開」：閃--開／啟 tháu--開（解開、打開）／褫 thí--開（張開、展開）。〔註〕：  
這欸構詞會使輕讀，嘛會當莫輕讀。

(二)「時間」字類：

(1)「時」：日--時／暝--時（暗時.彼時.到時.午時．．．攞免輕讀）

(2)「日」：昨--日（前天）大昨--日／落昨--日／後--日／大後--日／落後--日

(3)「月」：正--月／三--月／十二--月（所有的月份，單獨讀的時攞輕讀，後壁若有接日仔，就照一般變調的讀法毋免輕讀。）

(4)「年」：前--年 tsûn--nî／大前--年／大後--年／落後--年（「後年」免輕讀）

(四)「姓名」字類

(1)「厝」（前加姓）：林--厝／陳--厝

(2)「家 ka」（前加姓）：李--家／王--家

(3)「氏 sī」：鄭氏.張氏／王--的（老王）李--的（小李）

(4)「先生--sian-sinn」（前加姓）：陳--先生／李--先生。（「小姐」免輕讀）

(五)「名詞」字類

(1)「人」：騙--人／欠--人／稅--人／做--人（女性許婚予人）

(2)「人」：熱--人（夏天）／寒 kuân--人（冬天）

(3)「裡--lí」：厝--裡／田--裡／軍--裡／公司--裡。（特定的空間範圍）

(4)「字」：上感動的字就是「愛」--字／情--字這條路（台語歌名）／運途行佇卯--字（走楣運）／天--字第一號（情報員）／寫一字「死」--字／有看著「八」--字

(5)「者」：來--者何神／不知--者無罪／近朱--者赤 tshik，近墨 bik--者黑 hik／  
無--者（否則）／瞞--者瞞不識，識--者不能瞞／仁--者樂 ngāu 山，智--者樂水

(6)「之」：言--之有理／知--之為知--之（知之為知之，不知為不知，是知也。）

(六)「其他」字類

(1)「人稱代名詞」：我（阮、咱）、你（恁）、伊（ ）園佇句尾：靠--我／拍--  
我／予--你／多謝--你／賴--伊／怨嘆--伊。〔註〕：這欸構詞嘛會使讀「隨前變調」。

(2)「動+補」構詞：淋--兩杯／買--兩斤／慢--兩工／過--幾年仔／行--幾步／摻--淡薄／食--寡

(七)「輕聲詞彙」例：逐字攞輕讀的詞。

(1) --兩步七仔--nāg-pōo-tshit-á (本領)／--二jī步七仔

(2) --無打緊(--bô-tá-kín)(不但“還”／用佇負面表意。句例：彼个大學生無讓位予老大人無打緊，閣罵人。)

(3) --到地(--kàu-tè)(表示「代誌到某種程度」／句例：氣--到地！生理規氣收收起來。)

(4) --了了(--liáu-liáu)(表示「數量濟」抑是「加強語氣」／句例：這項袂當，彼項袂使，全你的意見了了。)

(八)「輕聲詞彙」例：干焦上尾字輕讀。

(1) 姊--仔／林投姊--仔／烏貓姊--仔／姆--仔／叔--仔

(2) 頭--仔／尾--仔／總--是

(3) 白賊七--仔／紅目有--仔／七--仔(笑)八--仔／王--哥柳--哥

**(三) 輕讀辨義：例**

(1) 過--去／過去(經過／從前、往事)無--去／無去(遺失／沒去)後--日／後日(後天／以後)驚--死／驚死(死於驚嚇／怕死)驚--人／驚人(嚇人／骯髒)做--人／做人(女性許婚予人／待人處世)。

(2) 開--開／開開(打開，是動詞／開開的，是形容詞)拍--一下／拍一下(輕輕打、打一下子／打一下，而非二下、三下)減講--兩句／減講兩句(不要再說了／少講了兩句)寫五--字／寫--五字、寫五字(寫「五」這個字／寫五個字)分--十箍 khoo／分十箍(請施捨十元／分配到十元)有--的人／有的人(有錢的人／有些人)看--字／看字(指「看」這個字／看文字)學--者／學者(學習者、指「學習」這件事／學術專精者)

(3) 你有愛--人無？／你有愛人 lang5--無？(你愛他嗎？／你需要人手嗎？)／足愛護--阮的老師／足愛護阮的老師(這個老師很愛護我們／我們很愛護這個老師)

## **〈第4節〉【--的 ê】語法**

**(一) 指「人」：身分、地位、關係、泛稱。**

(1)「職業」(省略「人」字)：賣菜--的／劊豬--的／掠龍--的(按摩)／走桌--的(跑堂)／拈 khioh 字紙--的(拾荒者)

(2)「職稱縮語」(「原詞」省略某字)：董--的(董事長)總--的(總經理、總幹事)主--的(主任)課--的(課長)

(3)「面稱／敘 sū 稱(背稱)縮語」(「原詞」省略某字)：頭--的(頭家：丈夫、老闆)牽--的(牽手：太太)老--的(老伴：老夫妻稱其另一半)師--的(師父 su-hū、

師傅 sai-hū) 細--的 (弟弟) 大--的 (哥哥、老大) 表--的 (表兄弟姊妹) 叔伯--的 (堂兄弟姊妹) 同 tâng 門--的 (連襟) 堂--的 (稱呼同姓氏者。原指同宗族中同一輩分的兄弟姊妹) 換帖--的 (結拜關係) 貼心--的 (暱稱「情人」)。

(4)「泛稱」：戴帽仔--的 (警察) 友--的 (幫派份子) 管區--的 / 豆菜底--的 (煙花界出身的女人) 綴 tuè 轎後--的 (「拖油瓶」：再嫁婦女帶到後夫家的子女)

(5)「被...者」：倩--的 (被雇用者) 養 iúnn --的 (養子女、養父母) 偷生--的 (私生子) 分--的 (養子女、乞討來的東西) 包飼--的 (情婦)

## (二) 指「物」：

(1) 涼--的 (冷飲) 菜--的 (素食) 好料--的 (豐盛的菜餚) 遮--的 (這些) 遐--的 (那些) 零星--的 (零錢、零頭、小事、散裝的) 有毛--的 (俗諺：「有毛的食甲棕蓑，無毛的食甲秤錘；有跤的食甲桌櫃，無跤的食甲雞胗」。) )

(2) 人送--的 / 昨昏買--的

(三) 指「事」：過去--的 (往事) 有--的 無--的 (毫無意義的內容) 做烏--的 (從事色情行業) 好空--的

(四) 指「外貌」：少年--的 / 有歲--的 / 跛跛--的 / 戽斗--的 / 隱痾--的 (駝背)

(五) 指「內性」：慇 gōng --的 / 痞--的 / 內行--的 (巷仔內的) / 宋盼--的 (凱子)

## (六) 其他：

(1) 泛指稱：賭 tshun--的 (剩下的) 佇桌跤--的 (在桌子底下的) 走--出去的

(2) 疊字詞：掌掌 so--的 (輕輕撫摸) 楚楚 seh--的 (逛一逛) 洗洗--的

(3) 形容詞後綴：花是青--的 / 錢是假--的 / 這隻是母--的 / 衫是過時--的

(4) 其他後綴：妥當--的 / 拍無討--的 / 套好--的 / 穩死--的 / 裝痞--的 / 看嬌 suí--的 (裝飾用的)

(5) 加強語氣：講真--的 / 唱 tshiàng 明--的 (事先說好、撻狠話) 做心酸--的 (消磨時間) 我足受氣--的

(七)「的--ê」讀法：攏讀「隨前變調」，毋是輕讀。「隨前變調」：前字讀本調，後字會綴前字的「收音音值」變調，拄好恰一般變調的讀法 (前字變調，後字讀本調) 倒反 tò-píng。前字「收音音值」高，後字綴高，中就綴中，低就綴低，攏變做「平調」類 (第 1 聲高平調 / 第 7 聲中平調 / 第 3 聲低平調)。「隨前變調」佇「叫名」的時誠好體會，規則如下：

(1) 前字是第一聲「33」，仔變做「33」的高平調 (第一聲)。美珠仔/阿君仔。

(2) 前字是第二聲「31」，仔變做「11」的低平調 (第三聲)。文友仔/阿扁仔。

(3) 前字是第三聲「11」，仔變做「11」的低平調 (第三聲)。國棟仔/阿秀仔。

(4) 前字是第四聲「20」，仔變做「11」的低平調 (第三聲)。文一仔/阿淑仔。

(5) 前字是第五聲「12」，仔變做「22」的中平調 (第七聲)。建民仔/阿玲仔。



- (6) 前字是第七聲「**22**」，仔變做「**22**」的中平調（第七聲）。招治仔/阿惠仔。
- (7) 前字是第八聲「**30**」，仔變做「**11**」的低平調（第三聲）。水木仔/阿玉仔。